

Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq

Kapitali 1
Inatsisitigut inissisimanera suliassaalu

§ 1. Universiteti Ilisimatusarfik pisortat suliffeqarfutigaat namminersortoq.

§ 2. Ilisimatusarfiup suliassarai ilisimatusarfimmi ilinniagassat iluanni ilisimatuutut misissuinissaq aamma ilisimatusarnermik tunngavilimmik ilinniartitsinermik neqeroornissaq nunani tamani annerpaamik angusassaq tikillugu. Ilisimatusarfiup qulakkiissavaa ilisimatusarnerup, inerisaanerup aamma ilinniartitaanerup naligiillutik suleqatigiinnissaat, kiisalu ilisimatusarnermi aamma ilinniartitaanermi ilinniagassanik ingerlatassaminik ingerlaavartumik inerisaanissaq aamma siaruarterinissaq ilisimasanillu ilisimatusarnermi suleriaatsinik paasisanillu paarlasseqatigiinnissaq.

Imm. 2. Ilisimatusarfik ilisimatusarnermi kiffaanngissuseqarpoq. Ilisimatusarfiup ilisimatuullu ataasiakkaat ilisimatusarnermut kiffaanngissuseqarnerat ilisimatusarnermilu ileqqorissaarnissaq Ilisimatusarfiup attattuarniartussaavaa. Isumalluutit pisariaqartut pigineqarpata, Naalakkersuisut Ilisimatusarfik tusarniaavigeriarlugu immikkut ilisimatusagassanik, qulaajagassanik aamma ilinniartitsissutissanik suliassissinnaavaat.

Imm. 3. Ilisimatusarfiup inuaqatigiit avatangiiserineqartut suleqatigissavaai aamma nunat akornanni suleqatigiiinnermik inerisaaqataassaaq. Ilisimatusarfip ilisimatusarnikkut aamma ilinniartitaanikkut angusamigut Kalaallit Nunaanni nunanilu issittumiittuni siuariartorneq, atugarissaarneq ineriarunnerlu siuarsaaqataaffigissavaai. Ilisimatusarfik qitusumik aamma kultureqarfittut suliffeqarfiumermigut ilisimasatigut piginnaasatigullu inuaqatigiinnut paarlasseqatiginnittassaaq aamma sulisuni inuaqatigiinni oqallinnermi peqataaqqullugit kajumissaartassallugit.

Imm. 4. Ilisimatusarfiup suliassaqrfinni attuumassuteqartuni ilisimasat nutaanerpaat Kalaallit Nunaanni ilinniakkanit tamanit pissarsiarineqarsinnaanerat qulakkeerinneqataaffigissavaa.

Kapitali 2
Aqutsineq

Siulersuisut

§ 3. Siulersuisut tassaapput Ilisimatusarfimmi qullersaallutik oqartussaasut. Ilisimatusarfiup ilisimatusarnermi aamma ilinniartitaanermi soqutigisai siulersuisut isumagissavaat aamma Ilisimatusarfiup aaqqissuussaaneranut ungasinnerusumullu isigaluni suliaanut ineriarunneranullu najoqqutassiusallutik.

Imm. 2. Siulersuisut Ilisimatusarfiup ingerlatsinera pillugu Naalakkersuisunut akisussaapput, tassungalu ilaassaaq aningaasaq arnikkut ingerlatsinera.

§ 4. Siulersuisut rektorip inassuteqareerneratigut missingersuutit akuersissutigisassavaat, tamatumunnga ilanngullugit aningaasat agguataarnissaat aamma atorneqarnissaannut tunngavissat.

Imm. 2. Siulersuisut naatsorsuutit atsiortassavaat.

§ 5. Siulersuisut Ilisimatusarfiup malittarisassai suliarissavaat. Malittarisassani tulliuttuni maleduaqassat erseqqinnerusut aalajangersarneqassapput:

- 1) Ilisimatusarfiup naleqartitatut tunngavii,
- 2) Ilisimatusarfiup oqaatsit pillugit politikkia,
- 3) siulersuisut sulinerat pillugu ammasuuneq,
- 4) sulisunik aqutsisunik atorfinitsitsineq,
- 5) siulersuisut iluanni ilaasortanik qinersineq,
- 6) siulersuisut suliaat,
- 7) ilinniagartuut siunnersuisoqatigiivinut aamma instituttit siunnersuisoqatigiivinut ilaasortanik qinersineq kiusalu
- 8) ilinniagartuut siunnersuisoqatigiivisa aamma instituttit siunnersuisoqatigiivisa suliaat.

Imm. 2. Malittarisassat kingusinnerusukkullu allannguutit Naalakkersuisunit akuerineqassapput.

§ 6. Siulersuisut Ilisimatusarfiup rektorianik atorfinitsisisarput soraarsitsisarlutilu.

Imm. 2. Siulersuisut prorektorimik aamma universitetsdirektørimik rektorip inassuteqareerneratigut atorfinitsisisarput.

Imm. 3. Siulersuisut Ilisimatusarfimmi atorfilittanut allanut imaluunniit ilinniartunut tunngasuni sulianut ataasiakkaanut akulerussinnaatitaanngillat.

§ 7. Naalakkersuisut ineriartortitsinissaq pillugu siulersuisunut isumaqatigiissuteqassapput.

Imm. 2. Ineriartortitsinissaq pillugu isumaqatigiissutip imarisassai pillugit maleduaqassanik Naalakkersuisut aalajangersaasinnaapput.

§ 8. Siulersuisut 11-nik ilaasortaqaarput, imatut inuttalersugaallutik:

- 1) Avataanit ilaasortat 6, taakkunannga minnerpaamik 3 aalajangersimasumik Kalaallit Nunaanni najugaqartuussapput.
- 2) Ilaasortat marluk, Ilisimatusarfiup ilisimatuuinut aamma ilinniartitsisuinut simiisuuusut, taakkununnga ilanngullugit ph.d.-mik ilinniartut.
- 3) Ilaasortaq ataaseq allaffimmi illumilu atorfeqvissut aallartitarissaavaat.
- 4) Ilaasortat marluk ilinniartut aallartitarissaavaat.

Imm. 2. Siulersuisut inuttalersugaanerat Ilisimatusarfiup ataatsimoortumik suliassaanik takutitsiuussaaq. Siulersuisunut ilaasortat ataatsimoortutik Kalaallit Nunaanni nunarsuarmilu, ilanngullugu issittumi pissutsinik ilisimasaqarnermikkut, aqtsinermik, ilisimatusarnermik kiusalu ilinniartitaanermik, kiusalu ilisimasanik paasisitsinermik paarlaoqatigiinnermillu misilittagaqarnermikkut paasisimasaqarnermikkullu Ilisimatusarfiup ineriartorneranik siuarsaaqataassapput.

Imm. 3. Ilaasortat avataaneersut Naalakkersuisut toqqartassavaat. Naalakkersuisut ilisimatusarfimmit ilaasortassanik pituttuisuunngitsumik inassuteqaqqusinnaapput.

Imm. 4. Ilaasortat toqqaarneqartassapput inuttut piginnaasaqarnerat tunngavigalugu. Toqqaanermi pingaaartinneqartassapput suliamut inuttullu piginnaasat aamma suliffinnik kiisalu ilisimatusarnikkut ilinniartitaanikkullu avatangiiserisanik inerisaanermik misilittakkat, ajornanngippat nunarsuarmut tamarmut sammisut. Ilaasortat avataaneersut aqutsinermik, aaqqissuussaanermik aningaasaqarnermillu misilittagaqassapput, ilanngullugu missingersuutinik naatsorsuutinillu nalilersuisinnaassallutik.

Imm. 5. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutilu.

Imm. 6. Imm. 1, nr. 2 aamma 3-mi taaneqartut aallartitat sulisut sinniisuinut malittarisassat malillugit illersorneqassapput.

Imm. 7. Siulersuisut siulittaasussaminnek ilaasortat avataaneersut akornannit qinersissapput. Siulittaasoq toqqagaanermini piffissamilu atuuffimmini tamarmi aalajangersimasumik Kalaallit Nunaanni najugaqassaaq.

Imm. 8. Taasinerit amerlaqatigiitsillugit siulittaasup taasinera aalajangiisuussaaq.

§ 9. Siulersuisut piffissami ukiunik sisamanik sivisussusilimmi ivertitaassapput, atuuffissaq siulleq 1. marts 2020-miit 29. februar 2024-mut ingerlassaaq, taamaattoq tak. imm. 3.

Imm. 2. Ilaasortat avataaneersut ilaasortallu suliffimeersut ataasiarlutik toqqagaaqqissinnaapput qinigaaqqissinnaallutilu, taamaattoq tak. imm. 3.

Imm. 3. Ilaasortat § 8, imm. 1, nr. 4-mi taaneqartut, piffissami ukiunik marlunnik sivisussusilimmi ilaasortaassapput, ataasiarlutilu qinigaaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Imm. 4. Ilaasortaq ataaseq ilaasortalluunniit amerlanerit piffissap atuuffimmik ingerlanerani tunuassappata, ilaasortanik nutaanik toqqaasoqassaaq, siulersuisut qaqgukkulluunniit 11-nik ilaasortaqaqtuaqqullugit.

§ 10. Naalakkersuisut siulersuisut peqqusinnaavaat pissutsit inatsisinik unioqqutitsisut iluarseqqullugit.

Imm. 2. Naalakkersuisut siulersuisut tunuaqqusinnaavaat, siulersuisut inatsisinik unioqqutitsinernik iluarseeqqusinerit maleruanngippatigit, taamaalillunilu siulersuisunik nutaanik ivertisoqassalluni. Siulersuisut suliassaat, taakkualuunniit ilaat, siulersuisuugallartunit Naalakkersuisunit toqqaarneqartunit piffissap ilaa isumagineqarsinnaapput.

Imm. 3. Siidersuisunut ilaasortaq siidersuisut akisussaaffiannik sakkortuumik sumiginnaasimasoq, imaluunniit siidersuisuni sulinissamut imminut naleqqukkunnaartissimasoq Naalakkersuisut tunuartissinnaavaat.

§ 11. Siidersuisuni ilaasortat avataaneersut akissarsiaqartinnissaat pillugu Naalakkersuisut malerua gassanik aalajangersaassapput.

Rektoreqarfik

§ 12. Ilisimatusarfiup ulluinnarni aqunneqarnera rektorimit isumagineqassaaq siulersuisut sinaakkusiusaat naapertorlugit. Ilisimatusarfiup aqutsisuisa allat rektorip tunaartarisassaliaa piginnaatitsineralu naapertorlugit suliassatik isumagissaavaat.

Imm. 2. Rektori rektorip tullersortaanik taperserneqassaaq, taannalu rektorimut paarlattaasassaaq. Rektori aamma rektorip tullersortaa tassaapput Ilisimatusarfiup rektoreqarfia.

Imm. 3. Rektori aamma rektorip tullersortaa ph.d.-mik ilinniarsimasuussapput, tak. § 34, aamma Kalaallit Nunaanni pissutsinik ilisimasaqassapput ilinniartitaanermullu pissutsinik paasisimasaqassallutik. Aammattaaq rektori ilisimatusarnermik ilinniartitaanermillu sammisqaqrifinnik aqutsinermik inerisaanermillu misilittagaqassaaq, universitetillu suliaannik inuiaqatigiinnilu avatangiiserisamminik suleqateqarnerannik paasisimasaqassalluni.

§ 13. Rektori Ilisimatusarfiup sinniseraa suliassanilu tamani aalajangiisuusassaaq piginnaatitaaffik siulersuisunut, ilinniagartuut siunnersuisoqatigiivinut, instituttimi aqutsisunut imaluunniit instituttip siunnersuisoqatigiivinut inissinneqarsimanngikkaangat.

Imm. 2. Rektorip instituttini aqutsisut, atorfinitittassavai soraarsittassallugillu.

Imm. 3. Rektori aningaasartuutinut missingersuutit naatsorsuutillu siulersuisunut akuerisassanngortillugit innersuuteqartassaaq.

Imm. 4. Avataaneersunik suleqateqarnissamut isumaqatigiissutit, Ilisimatusarfimmik pisussaaffiliisut tamaasa, rektorip akuersissutigisassavai.

Imm. 5. Ilinniagartuut siunnersuisoqatigiivisa suliassartik annertuumik paarinerluppassuk, rektorip siunnersuisoqatigiit atorunnaarsis sinnaavai suliassaallu nammineq tigullugit.

§ 14. Rektorip ilinniarnermi pissuserissaarnissamillu malittarisassat aalajangersassavai, taamaattoq tak. imm. 3. Rektorip ilinniartut ilinniarnermi pissuserissaarnissamillu malittarisassanik ilisimatissavai. Rektorip ilinniarnermi pissuserissaarnissamillu malittarisassat Naalakkersuisunut ilisimatissutit naasiutissavai.

Imm. 2. Rektorip ilinniartunut ilinniarnermi pissuserissaarnissamillu malittarisassanik maleruaanngitsunut pineqaatissiinissat aalajangiiffigisassavai. Rektorip ilinniartut arlaleriarlutik sakkortuumilluunniit ilinniarnermi pissuserissaarnissamillu malittarisassanik unioqqutitsisut anisissinnaavai.

Imm. 3. Naalakkersuisut ilinniarnermi pissuserissaarnissamillu malittarisassat pillugit malittarisassanik erseqqinnerusunik aalajangersaassapput, tamatumunnga ilanngullugit pinngitsoorani takkuttussaaneq aamma ilinniartunut ilinniarnermi pissuserissaarnissamillu malittarisassanik maleruaanngitsunut pineqaatissiisarnissat pillugit malittarisassat.

Kapitali 3

Ilinniagartuut siunnersuisoqatigiivi

§ 15. Ilisimatusarfiup ilinniagartuut siunnersuisoqatigiivi pilersissavai, aqutsisut, sulisut ilinniartullu aalajangeeqataanissaat ilinniagartuujunermilu pissutsit pillugit akuutinneqarnissaat qulakkeerniarlugu.

Imm. 2. Ilinniagartuut siunnersuisoqatigiivi tulliuttunik suliassaqarput:

- 1) aningaasaliissutit agguataarnerat pillugu rektorimut oqaaseqartarlutik,
- 2) ilisimatusarnermut ilinniartitaanermullu tunngasut pingaarutilit pillugit rektorimut oqaaseqartarlutik,
- 3) ilisimasanik paarlasseqatigiittarnermi pilersaarutit pillugit rektorimut oqaaseqartarlutik,
- 4) ilinniakkanut aaqqissuussinernut misiligummillu aaqqissuussinernut siunnersuutit pillugit instituttini siunnersuisoqatigiit inassuteqareernerisigut rektorimut inassuteqaateqartarlutik,
- 5) ilinniagassanut paasisimasalinnik ataatsimiitaliussapput atorfiiit ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik tamassuminngalu ph.d.-gradimik doktor-gradimillu tunniussinissaq pillugu naliliisartussanik aamma
- 6) ph.d.-gradinik doktorgradinillu tunniussisarneq.

Imm. 3. Ilinniagartuut siunnersuisoqatigiivi ilisimatusaatinut tunngasunut tamanut,

Ilisimatusarfip aaqqissuussaaneranut suliaanullu pingaaruteqartunut oqaaseqaateqarsinnaapput aamma ilisimatusaatinut tunngasut rektorimit saqqummiunneqartut oqaluuserissallugit pisussaaffigaat.

Imm. 4. Rektori, prorektori aamma universitetip pisortaa ilinniagartuut siunnersuisoqatigiivisa qinnuteqarnerisigut siunnersuisoqatigiit ataatsimiinneranni tamarmiusumi ataatsimiinnerulluunniit ilaani alaatsinaatsutut peqataasinnaapput. Alaatsinaatsutut inissisimanerup kinguneraa pineqartut taasisinnaatitaannginnerat.

Imm. 5. Naalakkersuisut doktorinngorniarluni ilisimatutut suliat pillugit malittarisassanik aalajangersaassapput.

§ 16. Pissutsit § 15, imm. 2, nr. 5-im aamma 6-im taaneqartut, kiisalu pissutsit ilisimatusarnerinnarmut tunngasut suliarineqartillugit, ilinniagartuut siunnersuisoqatigiivini ilisimatutut kisimik taasisinnaatitaapput.

§ 17. Ilinniagartuut siunnersuisoqatigiivi imatut inuttalersugaassapput:

- 1) Instituttini aqutsisut.
- 2) Ilaasortat pingasut Ilisimatusarfimmi ilisimatut aamma ilinniartitsisut aallartitarissaavaat, ph.d.-mik ilinniartut atorfekartitat ilanggullugit. Minnerpaamik ilaasortat 2 ilisimatusarnermik tunuliaqutaqassapput.
- 3) Ilaasortat marluk ilinniartut sinniiserisaat.
- 4) Ilaasortaq ataaseq allaffimmi illumilu atorfekavissut aallartitarissaavaat alaatsinaatsutut. Alaatsinaatsutut inissisimanerup kinguneraa pineqartut taasisinnaatitaannginnerat.

Imm. 2. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutilu.

Imm. 3. Ilinniagartuut siunnersuisoqatigiivi siulittaasumik ilaasortat akornanneersumik qinersissapput.

§ 18. Ilinniagartuut siunnersuisoqatigiivi ukiuni sisamani atuutumik ivertitaasassapput, siullermik piffissamut 1. november 2019-imiit 31. oktober 2023-mut atuutumik, taamaattoq tak. imm. 3.

Imm. 2. Ilaasortat § 17, imm. 1, nr. 2-mi aamma nr. 4-mi taaneqartut ataasiarlutik qinigaaqqissinnaapput.

Imm. 3. Ilaasortat § 17, imm. 1, nr. 3-mi taaneqartut ukiunut marlunnut atuuttumik qinigaassapput ataasiarlutillu qinigaaqqissinnaallutik, pineqartut ukiut ilinniarfigisassatut piffissaliussasut marluk sinnerlugilluunniit suli amigaatigippatigit.

Kapitali 4

Instituttit, immikkoortortat aamma instituttit siunnersuisoqatigiivi

Instituttit

§ 19. Ilisimatusarfimmi ilisimatusarnerit aamma ilisimatusarneq tunngavigalugu ilinniarnerit instituttini ingerlanneqartassapput. Instituttit arlaannaataluunniit ilisimatusarneq ilinniakkamut tunngaviusoq ingerlatinngippagu, pineqartup iluani ilisimatusarneq ilinniakkallu aaqqissugaanera pillugit universitetimik allamik ilisimatusarfimmilluunniit isumaqatigis uteqartoqas saaq.

Imm. 2. Ilinniagaqarfifit imarisamikkut ilisimatusarnermikkullu ataqtigiissuteqartut instituttinut ilaassapput.

§ 20. Institutti instituttimi aqutsisumit aqunneqassaaq.

Imm. 2. Instituttimi aqutsisoq aqutsisujutigaluni immikkoortortami pisortaatut suliaqarsinnaavoq, tak. § 23, imm. 1.

Imm. 3. Instituttimi aqutsisoq instituttimi ilinniagaqarfifit iluanni ataatsimi ph.d.-mik ilinniagaqarsimassaaq, tak. § 34, ilinniagaqarfimmilu iluani ilinniartitsinermik misilittagaqartuussalluni.

Imm. 4. Instituttimi aqutsisup immikkoortortani aqutsisut aamma instituttimi atorfefqartut allat atorfinit sillugillu soraarsittassavai, taamaattoq tak. imm. 2.

§ 21. Instituttimi aqutsisoq immikkoortortanilu aqutsisut instituttimi aqutsisoqarfiupput.

Imm. 2. Instituttimi aqutsisoqarfiup najoqqutassat rektorimit akuerineqartut malillugit instituttip ulluinnarni aqunneqarnera isumagissaavaa, tamatumunnga ilangullugit pilersaarusiorneq aamma suliassanik agguassineq.

Imm. 3. Instituttimi aqutsisoqarfiup suleqataasut ilisimatusarnermi periutsinik kiffaanngissuseqarnerat mianeralugu suliassanik aalajangersima sunik isumaginnittus sanngorlugit peqqusinnavai. Ilisimatutut sulisut ilisimatusarnissamut kiffaanngissuseqarput, piffissamilu suliassanik pisussaaffiligaanngisaminni Ilisimatusarfip ilisimatusarnissamut periusissaanut sinaakkusiuussap iluani kiffaanngissuseqarlutik ilisimatusarlutik. Ilisimatusarfip ilisimatusarnermut periusissaanut sinaakkusiusaaniippoq universitetip suliaqarfia tamarmiusoq. Sulisut ilisimatutut piffissami sivisunerusumi piffissap suliffigisassamik ilaani annertuallaami suliassanik pisussaaffilerneqassanngillat, taamaappat ilisimatusarnissamut piviusumik kiffaanngissusiagaassagamik.

Immikkoortortat

§ 22. Instituti arlalinnik immikkoortortaqarsinnaavoq.

Imm. 2. Immikkoortortaq ataaseq ilinniarnermik ilisimatusarnermik tunngavilimmik ataatsimik arlalinnilluunniit aamma ilisimatusarnermik ingerlatitseqqinnermilluunniit suliaqarfiusunik ataatsimik arlalinnilluunniit katitigaasinnaavoq.

§ 23. Immikkoortortami aqutsisup immikkoortortap ulluinnarni aqunneqarnera isumagissavaa.

Imm. 2. Immikkoortortami aqutsisoq suliassaqarfimmi immikkoortortap suliassaqarfisiaani ph.d.-mik ilinniagaqarsimasuuussaaq, taamaattoq tak. § 34, ilinniagaqarfimmilu iluani ilinniartitsinermik misilittagaqartuussalluni.

Imm. 3. Immikkoortortami aqutsisup suliassai tassaapput instituttimi aqutsisunut instituttimilu siunnersuisoqatigiinnut innersuussinissaq aamma siunnersuuteqarnissaq, ilanngullugit:

- 1) ilinniagassanik aaqqissuussinernut siunnersuusiornerit,
- 2) ilinniartitsinermut soraarummeernernullu pilersarusiornerit,
- 3) ilisimatusarnermut ingerlatitseqqinnermullu pilersarusiornerit, kiisalu
- 4) immikkoortortap aaqqissugaaneranut siunnersuusiorneq, ilanngullugu ilinniarnernut aqutsisunik ilinniartunullu siunnersortinik toqqaaneq.

Imm. 4. Immikkoortortami aqutsisup suliassanut imm. 3, nr. 1-im i taaneqartunut atatillugu atuusut ilinniagaqarfimmik aamma atorfefqarfinnik ilinniakkatigut atorfiffiusinnaasunik misilittagaqartut paasisimasaqartullu akuutittassavai.

Imm. 5. Immikkoortortami aqutsisup suliassanut imm. 3, nr. 1-im aamma 2-mi taaneqartunut atatillugu ilinniagaqartut akuutittassavai.

Imm. 6. Immikkoortortami aqutsisut ilinniagaqartussanik tigusineq akuersissutigissaavaa.

Imm. 7. Immikkoortortami aqutsisoq instituttip aqutsisuinut instituttillu siunnersuisoqatigiivinut immikkoortortap suliaanut pingaaruteqartunut aamma atorfinititsinerni soraarsitsinernilu inassuteqartassaaq aammalu suliani tamani immikkoortortaqarfimmut pingaaruteqartuni tusarniarneqartassalluni.

Instituttit siunnersuisoqatigiivi

§ 24. Institutti ataasiakkaani tamani instituttimi siunnersuisoqatigiit pilersinneqassapput, ilinniagaqartut ilisimatuutullu sulisut ilinniartitaanernut ilinniartitsinermullu aalajangeeqataas innaanerat akuutinneqarnissaallu qulakteerniarlugit.

Imm. 2. Instituttimi siunnersuisoqatigiit suliassaraat ilinniartitaanerit aaqqissugaanerisa, ingerlanneqarnissaasa ineriertortinnejarnissaasalu qulakteernissaat, ilanngullugit ilinniartitaanerit ilinniartitsinerrillu pitsaassutsikkut qulakteernissaat pitsaassutsikkullu ineriertortinnissaat kiisalu ilinniartitaanernik ilinniartitsinermillu naliersuinerit malitseqartinneqarnerat nakkutigissallugu.

Imm. 3. Instituttip siunnersuisoqatigiivisa najoqqutassat nalinginnaasut malillugit aamma immikkoortortani aqutsisut inassuteqareernerisigut tulliuttut akuersissutigisassavaat:

- 1) angusanik nuussinerit aamma

2) ilinniagartuutut taaguuteqalersitsisinnaaneq ph.d.-gradi doktorgradilu kisiisa pinnagit, tak. § 15, imm. 2, nr. 6.

Imm. 4. Instituttimi siunnersuisoqatigiit ilinniagartuut siunnersuisoqatigiivinut tulliuttut pillugit inassuteqartassapput:

- 1) instituttimi ilisimatusarnermut aamma ilinniakkanut ilisimatusarnermik tunnga veqartunut najoqqutassat nalinginnaasut,
- 2) instituttimi ilinnia gassanik aaqqissuussinerit,
- 3) ilinniakkanik misiligummik aaqqissuussinerit,
- 4) ilinniakkanik ilisimasalinnik ataatsimiititaliamik pilersitsineq inuttalersuinerlu, ilisimatuutut atorfii inuttalernissaat ph.d.-gradimik doktorgradimillu angusaqarnissamut ilisimatuussutsikkut sulianik nalilersuisarnissaq siunertalarugu,
- 5) instituttip missingersuutinut siunnersuutai aamma
- 6) immikkoortortanut aaqqissugaaneq taakkualu akisussaaffeqarfii.

Imm. 5. Instituttimi siunnersuisoqatigiit suliani tamani instituttip aaqqissugaaneranut suliaanullu pingaruteqartuni oqaaseqaateqarsinnaatitaapput, pissutsillu tamaasa rektorip aamma instituttit aqutsisuisa instituttimi siunnersuisoqatigiinnut saqqummiussaasa oqaluuserinissaat pisussaaffigalugu.

Imm. 6. Pissutsit taamaallaat ilisimatusarnermut tunngasut aalajangiivigineqassatillugit, taamaallaat ilaasortat ilisimatuujusut taasisinnaatitaapput.

§ 25. Instituttimi siunnersuisoqatigiit imatut inuttalersorneqassapput:

- 1) Instituttimi aqutsisoq, instituttimi siunnersuisoqatigiinnut siulittaasuusoq.
- 2) Instituttimi immikkoortortani aqutsisut.
- 3) Ilaasortat pingasut, instituttimi ilisimatuut ilinniartitsisullu sinniiserisaat, ph.d.-mik ilinniagaqartut atorfekartitat ilanngullugit. Ilaasortat ikinnerpaamik marluk ilisimatusarnermik tunuliaqutaqassapput.
- 4) Ilaasortaq ataaseq, teknikkimik allaffissornermillu atorfekavissut sinniiserisaat.
- 5) Instituttimi piffissaq tamaat ilinniakkanit ataasiakkaanit tamanit ilinniartoq ataaseq, taamaattoq ilinniartut ikinnerpaamik marluk.

Imm. 2. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinhaallutillu.

§ 26. Instituttimi siunnersuisoqatigiit piffissami ukiunik sisamanik sivisussusilimmi ivertinneqarsimasassapput, siullermik piffissamut 1. marts 2020-miit 29. februar 2024-mut, taamaattoq tak. imm. 3.

Imm. 2. Ilaasortat § 25, imm. 1, nr. 3-mi aamma 4-mi taaneqartut ataasiarlutik qinigaaqqissinnaapput.

Imm. 3. Ilaasortat § 25, imm. 1, nr. 5-imi taaneqartut ukiunut marlunnut qinigaassapput ataasiarlutillu qinigaaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Kapitali 5

Aningaasaqarneq aamma allaffissorneq

Aningaasaqarneq

§ 27. Suliassanut inatsisitigoortunut isumaqatigiissutitigullu aalajangigaasunut Ilisimatusarfimmut ukiumoortumik aningaasaliissutit aningaasanut inatsimmi aalajangersarneqartarput.

Imm. 2. Ilisimatusarfimmut aningaasaliissutit ilaat taxamiiterit malillugit tapiissutitut tunniussaasinnaapput imaluunniit tunngavinnik aalajangersimasunik nalilerneqarsinnaasunik, ineriaartortsinissamut isumaqatigiissummi aalajangersagaasunik tunngaveqartitaasinjaallutik, tak. § 7, imm. 1.

Imm. 3. Ilisimatusarfik nunatta karsianiinngitsoq allanit kingornussisinnaavoq, tunissutisisinjaalluni tapiissutisisinjaallunilu.

Imm. 4. Ilisimatusarfik isertitanit matussuserneqartunik suliaqarsinnaavoq tapiissutinillu aningaasalersugaasunik ingerlataqarsinnaalluni.

Imm. 5. Ilisimatusarfip tapiissutit isertitallu allat kiffaanngissuseqarluni atorsinnaavai. Ilisimatusarfip missingersuutini aallaaviusut malittussaavai, suliassallu taakkunani takuneqarsinnaasut isumagissallugit.

§ 28. Ilisimatusarfip Kalaallit Nunaanni Namminersorlutik Oqartussat missingersuutit, naatsorsuuserineq naatsorsuutinillu saqqummiineq pillugit malittarisassai qaqugukkulluunniit atuuttut malissavai.

Imm. 2. Aningaasanut inatsisikkut aningaasaliissutit atorneqarnerat naatsorsuutini immikkut naatsorsuusiorneqassaaq.

Imm. 3. Ukiumoortumik naatsorsuutit Kalaallit Nunaanni Namminersorlutik Oqartussat kukkunersiuuinit kukkunersiorneqassapput.

Imm. 4. Ukiumoortumik naatsorsuutit siulersuisunit akuerineqarsimasut, kukkunersiuuut oqaaseqaataat taakkununnga attuumassuteqartut ilanngullugit siulersuisut Naalakkersuisunut akuerisassanngorlugit saqqummiutissaavaat. Naalakkersuisut piffissaliussaata qaangiutinnginnerani saqqummiunneqassapput.

Imm. 5. Siulersuisut naatsorsuutinik Naalakkersuisunut tunniussinerminnut atatillugu naatsorsuutit tamanut saqqummiutissaavaat.

§ 29. Atorfinititsinerni atugassarititaasut pissutsillu sinneri, atorfearnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfilinnut atuuttunik malinninnissamut Ilisimatusarfik pisussaaffeqarpoq.

§ 30. Ilinniartut ilinniartutut anguniakkaminik ingerlataannut Ilisimatusarfik aningaasartuutinik akiliussisassaaq atortussanillu atugassiisasalluni.

Imm. 2. Ilinniartut ilinniartutut anguniakkaminik ingerlataannut allanut Ilisimatusarfik aningaasartuutinik akiliussisinjaavoq atortussanillu atugassiisinjaalluni.

Allaffissorneq

§ 31. Ilisimatusarfíup allaffeqarfia universitetip pisortaanit aqunneqassaaq rektorip ataani inissisimasumit.

Imm. 2. Ilimmarfiup ingerlannera allaffisorneralu Ilisimatusarfíup isumagissavai, Ilimmarfimmilu suliffeqarfíit allat allaffissornikkut suliassaat isumaqatigiissuteqareernikkut isumagisinnaallugit.

Kapitali 6

Maalaartarneq

§ 32. Ilisimatusarfíup aalajangiineri, ilinniartut inatsisitigut inissisimanerannut tunngassuteqartut Naalakkersuisunut suliassiissutigineqarsinnaapput. Aalajangiinerup naammagittaalliorumut nalunaarutigineqarneraniit naammagittaalliuutip tunniunnisaanut sapaatit akunneri sisamat piffissaliussaapput.

Imm. 2. Maalaaruteqarnerit kinguartitsinermik sunniuteqarsinnaanngillat, taamaattoq tak. imm. 3.

Imm. 3. Naalakkersuisut maalaarsinnaanermut periarfissat, maalaarutit suliarineqartarnerat aamma maalaarutit aalajangersimasut kinguartitsinermik sunniuteqarsinnaanerat pillugit malittarisassiorsinnaapput.

Kapitali 7

Atuutilersitsinermut, atorunnaarsitsinermut ikaarsaariarnermilu aalajangersakkat

§ 33. Inatsisartut inatsisaat 1. august 2019-imí atuutilissaaq.

Imm. 2. Peqatigisaanik Ilisimatusarfík pillugu Inatsisartut inatsisaat nr. 19, 19. november 2007-imeersoq atorunnaarsinneqassaaq.

Imm. 3. Najoqqutassat Ilisimatusarfík pillugu Inatsisartut inatsisaat nr. 19, 19. november 2007-imeersoq malillugu aalajangersagaasut imaluunniit atuutsinnejartut, atuutiinnassapput atorunnaarsinneqarnissamik tungaanut, imaluunniit maleruagassanik Inatsisartut inatsisaat manna imaluunniit inatsisit allat tunngavigalugit aalajangersagaasunik taarserneqarnissamik tungaanut.

§ 34. § 12, imm. 3-mi, § 20, imm. 3-mi kiisalu § 23, imm. 2-mi ilinniakkatigut piginnaasanut piumasaqaatit, taamaallaat Inatsisartut inatsisaata atuutilereerneratigut atorfinnut taakkununnga atorfinititsinernut atutissapput.

Imm. 2. 31. juli 2029 tikillugu rektorimik, rektorip tullersortaaniq, instituttini aqutsisunik kiisalu immikkoortortani aqutsisunik nutaanik atorfinititsinerni, § 12, imm. 3-mi, § 20, imm. 3-mi kiisalu § 23, imm. 2-im iñniagaqarnermut piumasaqaatinit immikkut akuersissuteqartoqarsinnaavoq, piumasaqaatinik eqqortitsillutik piginnaasalinnik qinnuteqartoqarsimangippat, imaluunniit taamaallaat ilinniakkatigut piginnaasanut piumasaqaatinik allanik tunngaveqarluni sanilliunneqarsinnaasunik piginnaasaqartunik qinnuteqartoqarsimappat.

Kalaallit Nunaanni Namminersorlutik Oqartussat, ulloq xx. xxxx 2018

Kim Kielsen